



13.08.2024

UKA2024/101

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Sillimmasiisarfimmik, assigisaannillu aningaasaateqarfimmik, kalaallinik tamakkiisumik amerlanerussuteqartunilluunniit pigineqartussamik pilersitsinissamut periarfissanik misussuisoqarnissaanut, Kalaallit Nunaata iluani aningaasaliinerulernissaq siunertaralugu, Naalakkersuisut peqquneqarnissaannut Inatsisartut aalajangiiffigisassaattut siunnersuut. Misissuineq Inatsisartunut ukioq 2025 aallartinnerani agguanneqassaaq.
(Inatsisartunut ilaasortaq Jens Napaattooq, Naleraq)

Tunngavilersuut:

anigaasat 100 millionilikkaat innuttaasuneersut ukiut tamaasa nunatsinniit aniapput¹. Innuttaasut inuiaqatigiit pigisaat nunatsinniit aniapput, inuiaqatigiit iluini iluaqutaatinneqarnatik kaaviiartinneqarnatillu.

Uagut, illit uangalu. suliffeqarfiit innuttaasut pigisaat, nunatsinnilu namminersortut sukataartut, nunatta avataanut sillimmasiiniarlutik akiliisarput. Aalisakkerivimmi fabrikkimi sulisumit sulinermit ajoqusernermut sillimmasiinerit namminersorlutik oqartussat iniutaannut sillimmasiinerit danskit naalgaaffiannut akilerneqartarput, tamakkulu ilaatigut anigaasat Københavnimi inissianik sanaartornernut aningaasaliinernut tuttarput².

Nunatsinni najugaqartut sillimmasiisarfinnut akiliutai uninngaannangillat. Toqqaannartumik sillimmasiinerit ajoqusernerit atorineqanngikkaluarlutik kaaviiarput. Anigaasat taakku aningaasaliissutigineqarput, taamaalillutik nalilimmik pinngortitsillutik, nalimillu annaasaqarnatik. Anigaasat nunatta innuttaasuineersut ajoraluartumik nunatsinnut aningaasaliinernik atunngillat innuttaasut iluaqutigisinnaasaannut, soorlu assersuutigalugu Danmarkimi taamaaliortut.

Soorlu aamma aningaasaliinerit pingaarnersut nunatta killiata avataani pisartut, tamakku pisarput sillimmasiisarfiit nunaanni, adresseqarfigisaminni tassa Danmarkimi.

ATP, Danmarkimi qinikkanik pilersinneqarsimasoq³, Danmarkimi pensiuuninut allaffissornikkullu suliffeqarfik anginerpaajusoq, imminullu taasartoq ”Danmarkimi mingutsitsinngitsunik aningaasaliisuni anginerpaaq”⁴ Danmarkimi, nunatsinnilu innuttaasut akiliutaannik atuisartut soorlu Københavnimi inissialiornernut, nunalu akiliingaatsiartartoq pimoorussiffigineqarnani: nunarput.

¹ § 37 apeqqutit nr.: 2024-80, 2024-174, 2024-175, 2024-176, 2024-177, 2024-178

² <https://atp-ejendomme.dk/nyheder/ny-model-til-flere-almene-boliger>

³ <https://www.atp.dk/om-os>

⁴ <https://www.atp.dk/ansvarlige-investeringer>



Naleraq

Aammattaaq inatsisit malillugit pisussaaffiuvoq assersuutigalugu nunatsinni sulisut sinnerlugit sulinermi ajoqusersimanermit sillimmasernikkut akiliinissarput, toqqaannaq danskit innuttaasuisa kaasarfiannut immiisartut. Nunatta innuttaasuinukarneq ajortut.

Maannattaaq ammaapparput allamiut suliffeqarfissui uagut naliutitsinnik pisisinnaalernissaannut: aalisarneq. Pisassiissutit pigissavaat. Kilisaataat aalisartuusimasup angerlarsimaffiata silataani aalisassapput. Tamarmik allamiunngussapput, inuiaqatigiittullu aningaasaatigut annisissallugit, nunattalu avataani aningaasaliissutigalugillu. Kisianni aatsaat taamaassapput iliuuseqanngikkutta.

Taamaattumik periarfissat misissussavagut, soorlu allat naalagaaffiit iluatsissimasutulli, qanoq aningaasaliinerit annertusiinnarnagit, kisianni aningaasaliutaasimasut annertusarnissaannut. Immitsinnut aningaasaliiffigisariaqarpugut, nunatsinnut aningaasiliisariaqarpugut, sooq uagut Naleqqamiit siunnersuut taanna tamanut ammasumik saqqummiukkusupparput, periarfissat, paasisutissallu suunersut nunatsinniittussamik uagut nammineq pigisassatsinnik sillimmasiisarfirmik pilersitsinermik, aningaasaleerusussuseqartumik nammineq sumiiffigisaminut.

Pisortanut aningaasaatigut allaffissornikkullu kingunerisassai:

Misissuineq nalilerneqarpoq pisortani AC-fuldmægtig ukiumut sulinerup sisamaraterutaanniit affaanut aningaasartuutaattut issasut (125-250.000 kr.). Naalakkersuisut allamik eqqarsaateqarnermik tunngaveqassappata peqquneqarput akissutertik nalunaarutiginnissaa siunnersuutip 1. suliarineqarnissaanut.

Namminersortunut aningaasaatigut allaffissornikkullu kingunerisassai:

Soqanngilaq.

Innuttaasunut aningaasaatigut allaffissornikkullu kingunerisassai:

Soqanngilaq.